

Na osnovu čl. 29. i 38. stav (1) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), čl. 67. do 71. Zakona o budžetima u Federaciji BiH ("Službene novine Federacije BiH", br. 102/13, 9/14, 13/14, 8/15, 91/15, 102/15, 104/16 i 05/18), čl. 40. stav (5) i 41. Zakona o dugu, zaduživanju i garancijama u Federaciji BiH ("Službene novine Federacije BiH", br. 86/07, 24/09, 44/10 i 30/16) i Poglavlja II tač. 11. i 12. Procedura zaduživanja Kantona Sarajevo na osnovu unutrašnjeg i vanjskog duga i izdavanja garancija ("Službene novine Kantona Sarajevo", br. 10/11 i 07/19), Skupština Kantona Sarajevo, na sjednici, održanoj dana 17.04.2019. godine, donijela je

### ODLUKU

#### O PRIHVATANJU ZADUŽENJA PO SPORAZUMU O FINANSIRANJU IZMEĐU BOSNE I HERCEGOVINE I MEĐUNARODNE ASOCIJACIJE ZA RAZVOJ (IDA) ZA REALIZACIJU PROJEKTA "ENERGETSKA EFIKASNOST ZA BiH 2019"

##### I

Prihvata se zaduženje Kantona Sarajevo (u daljem tekstu: Kanton) po osnovu Sporazuma o finansiranju između Bosne i Hercegovine i Međunarodne asocijacije za razvoj (u daljem tekstu: IDA) i Supsidijarnom sporazumu između Bosne i Hercegovine i Federacije BiH za realizaciju projekta "Energetska efikasnost za BiH 2019.", u ukupnom iznosu od 490.994,00 KM (sa PDV-om).

##### II

Sredstva kredita po Sporazumu iz tačke I ove odluke namijenjena su za finansiranje unaprjeđenja energetske efikasnosti na objektu javne ustanove iz nadležnosti Ministarstva za obrazovanje, nauku i mlade Kantona Sarajevo, a nalazi se na Listi objekata koju je sačinila Implementacijska jedinica projekta za Federaciju BiH, i to:

- JU "Srednja škola za okoliš i drvni dizajn", Sarajevo, iznos sa PDV-om . . . (490.994,00 KM)

##### III

Kreditna sredstva iz tačke I ove odluke prihvataju se u formi vanjskog indirektnog duga, pod sljedećim uslovima:

iznos zajma . . . . .	490.994,00 KM
rok otplate. . . . .	10 godina
grace period . . . . .	2 godine
maksimalna stopa troškova održavanja kredita. . . . .	0,50% godišnje
servisni troškovi. . . . .	0,75% godišnje
kamatna stopa . . . . .	1,40% godišnje
dospijeca . . . . .	polugodišnja (15.02. i 15.08.)

##### IV

Potvrđuje se da je razmatrana dokumentacija prihvatljiva za Kanton:

- usaglašen zapisnik sa pregovora,
- dopuna usaglašenom zapisniku sa pregovora,
- Sporazum o finansiranju između BiH i Međunarodne asocijacije za razvoj (IDA),
- Supsidijarni sporazum između Bosne i Hercegovine i Federacije BiH,
- Ugovor o projektu između Međunarodne asocijacije za razvoj (IDA) i Federacije BiH.

##### V

Kreditna sredstva iz tačke I ove odluke, Federacija će posebnim podugovorom prenijeti na Kanton Sarajevo. Navedenim podugovorom Federacija BiH će prenijeti prava i obaveze na Kanton pod uslovima za zaduživanje kantona definisanim od strane Jedinice za implementaciju projekata.

##### VI

Daje se saglasnost za zaključivanje podugovora o kreditu po Projektu iz tačke I ove odluke između Federacije BiH i Kantona, za kredit iz tačke I ove odluke.

Daje se ovlaštenje premijeru Vlade Kantona Sarajevo da sa Federacijom Bosne i Hercegovine potpiše podugovor o kreditu i sredstva obezbjeđenja kredita.

##### VII

U svrhu redovne otplate kredita, Kanton je saglasan da Federacija, u slučaju neredovnog ispunavanja obaveza po Kreditu, bez upozorenja može dospjele obaveze direktno naplatiti sa računa javnih prihoda, i to iz dijela prihoda koji pripadaju Kantonu Sarajevo.

Kanton se obavezuje da će, u svrhu naplate svih potraživanja po ovom kreditu, Federaciji BiH dostaviti bjanko mjenice. Kanton ovlašćuje Federaciju BiH da primljene bjanko mjenice može koristiti za naplatu dospjelog potraživanja.

##### VIII

U periodu dospijeca obaveza po kreditu potrebno je u budžetu Kantona osigurati sredstva za servisiranje obaveza po kreditu sve do kraja otplate.

U toku implementacije Projekta, u Budžetu Kantona Sarajevo nije potrebno obezbijediti sredstva za sufinansiranje istog.

##### IX

Implementacija Projekta realizovat će se putem resornog ministarstva.

##### X

Za realizaciju ove odluke i izvještavanje po istoj zadužuju se Ministarstvo za obrazovanje, nauku i mlade i Ministarstvo finansija, svako u okviru svoje nadležnosti.

##### XI

Implementacija Sporazuma, iz tačke I ove odluke, ne zahtijeva donošenje novih ili izmjenu postojećih zakona.

##### XII

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-05-17659/19  
17. aprila 2019. godine  
Sarajevo

Predsjedavajući  
Skupštine Kantona Sarajevo  
**Elmedin Konaković, s. r.**

Na osnovu člana 13. stav (1) tačka b), člana 18. stav (1) tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), člana 6. Zakona o ustanovama ("Službeni list RBiH", br. 6/92, 8/93 i 13/94), člana 53. stav (4) i člana 98., a u vezi člana 102. Zakona o zdravstvenoj zaštiti ("Službene novine Federacije BiH", br. 46/10 i 75/13), Skupština Kantona Sarajevo, na sjednici održanoj dana 17.04.2019. godine, donijela je

### ODLUKU

#### O IZMJENI I DOPUNI ODLUKE O PREUZIMANJU PRAVA I OBAVEZA OSNIVAČA I USKLADIVANJU ORGANIZACIJE I POSLOVANJA JAVNE USTANOVE OPĆA BOLNICA "PRIM. DR. ABDULAH NAKAŠ"

##### Član 1.

(Izmjena i dopuna člana 4.)

U Odluci o preuzimanju prava i obaveza osnivača i uskladivanju organizacije i poslovanja Javne ustanove Opća bolnica "Prim. dr. Abdulah Nakaš" ("Službene novine Kantona Sarajevo", br. 7/12 i 28/18), u članu 4. u stavu (2) umjesto broja "345" treba da stoji broj "353", a iza tačke "g)" dodaje se nova tačka "h)" koja glasi:

"h) dnevna bolnica . . . . . 8 postelja;"

##### Član 2.

(Upis u sudski registar)

Stupanjem na snagu ove odluke Javna ustanova Opća bolnica "Prim. dr. Abdulah Nakaš" je obavezna izvršiti promjene upisa u sudskom registru kod nadležnog suda u Sarajevu, u skladu sa ovom odlukom.